

DECRETS ET SOLUTIONS

DUBIA CIRCA VALIDITATEM ORDINATIONIS

I

TERETUR ordinatio presb. in qua Epus in secunda manuum impositione manus ad pectus junctas tenuit, postea vero ante pectus disjunctas.

Eminentissime Domine,

Episcopus N. N., accepta denuntiatione, seu potius consultatione super validitate ordinationis quorundam Presbyterorum; ut in re tanti momenti securius procedat, rem integram isti Sacrae Congregationi remittendam censuit, ab eaque dubii solutionem expectare.

Casus igitur est ut sequitur :

Pluribus abhincannis, antequam Episcopus Orator hujus Dioecesis regimen et administrationem nactus esset, contigit ut statuto tempore generales ordines celebrarentur; cumque, ceteris ordinibus collatis, perventum fuisset ad ordinationem Presbyterorum loco extentionis dexteræ manus super capita ordinandorum cum oratione Oremus Fratres Charissimi, etc., quæ in Pontificali habentur, Pontifex involuntarie distractus, eandem orationem recitabat manibus ante pectus junctis; quod advertens unus ex adstantibus clericis, timens ne hoc officeret validitati ordinationis, cito occurrens reverenter disjunctis manus Pontificis, qui, manibus sic disjunctis ante pectus, præfatam orationem usque ad finem prosequutus est. Hoc supposito, dubitatur, et consequenter ab Episcopo oratore ex Sacra ista Congregatione humiliter quaeritur :

1. Utrum per extentionem manuum Episcopi ante pectus suppleri poterit in casu extensio dexteræ manus super capita ordinandorum; ac consequenter pro valida habenda sit ordinatio illorum candidatorum?